



Kod koga se nađu sljedeće četiri osobine taj je pravi munafik, a kod koga se nađe neka od ovih osobina onda taj ima osobine munafika, i takav će ostati sve dok ne ostavi tu osobinu: kada mu se nešto povjeri on iznevjeri, kada govori laže, kada obeća ne ispuni, i kada se raspravlja prelazi granice

Od Abdullaha bin 'Amra, radijallahu anhumu, se prenosi da je Allahov Poslanik, sallallahu 'alejhi ve sellem, rekao: "Kod koga se nađu sljedeće četiri osobine, taj je pravi munafik, a kod koga se nađe neka od ovih osobina, onda taj ima osobine munafika, i takav će ostati sve dok ne ostavi tu osobinu: kada govori - laže, kada obeća - ne ispuni, kada se raspravlja - prelazi granice, i kada se obaveže na nešto ugovorom - on to prekrši."

[صحيح] [رواه البخاري ومسلم]

Allahov Poslanik, sallallahu 'alejhi ve sellem, nas upozorava na četiri svojstva koja, ako se nađu pri muslimanu, jako će ličiti na munafika. To se odnosi na onoga kod koga su ove osobine dominantne, a ne na onoga kod koga se one rijetko nađu. One su: 1. Kada govori, namjerno iznosi neistinu. 2. Kada se obaveže na nešto ne ispuni i pronevjeri. 3. Kada dadne obećanje ne ispuni i prekrši ga. 4. Kada se raspravlja s nekim prelazi granice, odstupa od istine i iznosi neistine. Licemjerstvo predstavlja iskazivanje jednog, a sakrivanje drugog. Ovo je prisutno kod osobe sa ovim svojstvima budući da jedno prikazuje onome kome govori, kome obećava i s kime se raspravlja, a drugo krije. Ova osoba, dakle, posjeduje svojstvo licemjerstva dokle god se ne riješi te određene osobine. Međutim, ta osoba nije munafik sa aspekta islama, da prikazuje da je musliman, a u sebi krije kufr.

<https://sunnah.global/hadeeth/bs/show/66537>

